

## Marktgass (Penny Lane)

Do en dr Marktgass an der Mauer vor dem Metzgergeschäft  
do sen mir friher emmer jeden Tag g`hockt  
hen dene Leit en dr Schadt zuguckt,  
wie se romlaufat.

Ond komm i heit dort no der Platz der isch jetzt nemme do,  
ond au die Mauer isch scho lenglisch mol gwäh,  
die ganze Marktgass isch so kalt und leer  
so lang isch des no gar ned her.

End dr Marktgass isch mol richtig gmütlich gwäh  
mr hot sich troffa und mr hots gsäh  
ond hot a Schwätzle gmacht.  
`

An dem Platz schdoht jetzt a riesa große Dresdnerbank.  
Ond die Leit die wetzat eilig raus und nei.  
Denkat bloß no an ihr Geld drbei.  
Muss des sei.

Ond weiter onda vor dem winzig kloina Eiscafe  
hot ons der Stadtsheriff faschd jedesmol verscheucht.  
Die ganze Schdat isch von dene Gammler verseucht  
des hot er keucht.

End dr Marktgass isch mol richtig gmütlich gwäh  
mr hot sich troffa und mr hots gsäh  
ond hot a Schwätzle gmacht.

Für des Eiscafe schdoht jetzt a grosses Parkhaus do  
ond schtatt de Leid treffat sich d`Blechkarossa dort.  
Ond au der Stadtsheriff iscfh längscht scho fort.  
Was soll der no dort.

Jo die Marktgass wie sich die veändert hot.  
Beto, Banka Gschäfter  
ond die Leit sen längscht fort von dr Schdat.

Jo die Marktgass wie sich die veändert hot.  
ond die Leit sen längscht scho fort,  
fort von der Marktgass.